

# Reinauguracion di Kapel di Alto Vista


ORANJESTAD (AAN):- Diahuebs, 18 di augustus 2005 pa 5.30'or di atardi, lo tuma lugar reinauguracion di Kapel di Alto Vista completamente renoba.

Despues cu dak di e kapel

stima "Kapel di Alto Vista" a cay pa un parti a keda dicidi pa cuminsa cu renobacion di e Kapel. Mesora a ricibi tremendo cooperacion di "Valero Volunteer Foundation" cu a dedica simannan

pa pone e Kapel den bon condicion.

Un ocasion asina bunita no por laga pasa sin celebra y duna honor na nos Santisima Virgen Mama Maria di Alto Vista, kende fuera di ta nos



patrona, sa di intercede den tempo, bon y malo pa nos. Miles y miles ta e milagernan personal cu a tuma lugar na e lugar Santo aki. Pesey un y tur mester uni forza pa asina demostra nos Santisima Virgen Mama Maria di Alto Vista e reconocimiento cu e merece.

Pa e ocasion aki lo bin Aruba Vicario di nos Obispado, Pastoor Greg, kende lo acepta e trabao haci door di e boluntarionan di Valero. Despues lo sigui e bendicionamento di e Kapel, coronamento di Santisima Virgen Mama Maria y finalmente un Santo Sacrificio di Misa canta. Aruba ta den un di e temporadanan mas dificil, na unda politica ta hunga un rol importante den diferente hogarnan. Hasta ta trece un divisiooon den hopi famianan di nos comunidad. Ta pesey esaki ta ofrece un bon oportunidad pa un y tur bin hunto y reza pa cu e temporada aki por pasa sin mayor incidente.

Tambe nos lo reza pa famianan cu ta den

dificultad, hobennan cu ta ariba e mal caminda, pa estudiantenan cu a caba di inicia nan aña escolar, pa nos politiconan y pa intencionnan personal. Ta pesey e comision organizador den number di Pastoor Rene ta invita henter pueblo di Aruba, gruponan di oracion, gruponan uniforma, muchanan di school, politiconan y otronan pa tuma parti na un cruzada di oracion y manifestacion di fe cu lo haci nos pueblo su fundeshi uno solido.

Ta cu Señor y intercession di nos Santisima Virgen Mama Maria nos por sali padilanti. Na tur fielman ta ser suplica pa trece misal di pueblo y tambe stulnan, pasobra ta ser spera cu un gran cantidad di fielman lo tuma parti na e celebracion especial aki. Dia 18 di augustus mundo Catolico lo uni forza pa muestra nos gran amor y aprecio na nos Señor y Santisimo Virgen di Alto Vista na ocasion di reinauguracion di Kapel di Alto Vista, completamente renoba.